

928
七
25

誠

齋

集

二五



誠齋集卷第一百七

尺牘

荅王樞使

廬陵楊

万里

廷秀

某伏自春時張糾之官因之奏記今月十一日臨
江村官持報教以來天落雲錦以驚以喜端冕廟
堂之容坐鎮雅俗之節廩然在人目中也即辰黃
花節過風露清峻恭惟觀使觀文樞使相公明晦
忠君江湖存闕自天墮社鈞候動止萬福某老病
餘生待盡環堵自丙辰乞骸露章三請埃命四年

連今歲春筴之交始蒙 聖恩察其非矯僞者放
牛縱鶴以遂物性惟是異數過優增秩一階進職
四等控免弗獲俸受震輓揆厥所元微我天上知
已掣携振德不遺餘力曷濟登茲千江隔而萬山
阻未克抒謝先辱慶語仲尼一字之袞劉公十部
之賢野人拜此榮光赫然下燭蔀屋上衝斗牛矣
未占避席之侍願言愛重即還厓左之位式是万
邦

答朱侍講

某九月十月之交於月道士曾無疑許連得報教

二書幽憂滿懷風濯雪釋即辰首冬殊温恭惟致
政侍講殿撰尊契丈懸車里門天相台候動止萬
福玉嫵尊釋均慶某老身幸安隱黃能臺駘董察
其納祿不官鷺股無可割者不蒙見崇而今歲秋
孰不照年例特地助祝融為虛坐甑丞炊快快無
柰先之以疢申之以河魚蓋兩月而後已得書云
股肱之疾移及膜心且養於憑烏皮呻青竹是在
醫法顧不察耳蔽神不曰孰使我飢渴之不恤者
非書乎孰使我劇目鉢心指擢胃腎者非書耶某
婁陳囊研櫝筆之方而以水投石論以酷嗜在此

第恨病而力不足耳政使和緩復生能沅此學古
之胸而砭此土炭之嗜耶諷及啓棘賓商之義即
問焉於益公益公報以二說今錄在別紙似聞所
著楚辭解甚竒可得而窺見否猷方之未既而又
縱史之又似李公擇戒東坡勿作詩而及送墨也
一笑願言珍重用永麋壽

與湖南安撫趙郎中

某伏以元煒和平執權司冬即辰恭惟判府安撫
華文郎中制閩雄深連帥崇嶠一面攸寄三神所
禧台候動止萬福某敬拜手奏記潭府之中涓仰

惟財幸

某竊惟近時岳牧之繁雄如金陵六朝之故國長
沙定王之古城居上流控形勝其責任均也二邦
大帥異時一二大丞相之閔勞鼎鉉息肩戰毒縣者
於是半居焉其不輕而重明也華文郎中以兩京
政駿之儒先間平之德望 皇朝不土無言之賢
且文實繼一二鉅公之殊轍令修於庭戶之間而
人自得於湖山之外作一長城當十萬兵一何難
哉至於賦詩以叱開衡山之雲命騷以彈歷洞庭
之波此又其陶鑄之土苴云耳紅塵一騎紫橐兩

禁日斯邁月斯征某也尚竊逢之退惟老病之身
已垂車以示子孫矣天不作緣有如執事一世之
名勝如朝陽之光在物久矣而某居覆盆之下乃
不得快睹青天白日之清明茲非命也夫然乘化
歸盡偶未先朝露之間猶得九頓首徹姓名寫慕
用以聞焉抑持以自賀云

某惶恐再拜敬問台閔玉嫵恭惟即日冬寒尊釋
介福川增山委有廬陵之役羨命是荷某惶恐白
事中男承務郎監衡州安仁縣稅務次公筮仕云
初百事墻面天假之福得仰事禮樂詩書之元帥

慶雲之惠不別荆棘厦屋之壽必免震凌仲尼不
云乎吾舍魯何適矣惟仁人照臨之

與周丞相賀冬

某惶恐今茲歲在鶉火之津月旅黃鍾日臨長至
惟 皇上帝萌陽氣長君子是用錫純嘏介眉壽
于我丞相于時賀賓載集壽筭斯舉而下客某也
為賈獨後譚子不至非罪歟不腆春酒有十其罌
敢效野人芹子之誠奉上一觴千歲之壽仰惟鈞
慈不賜麾去有萬其幸屬者次公辭行之官仰蒙
一再宴集父子迭主致曲示恩又賜之以帥漕薦

補之書至矣盡矣盡室銜戢抑又聞新作樓觀排
霄拂日如元龍之百尺東坡之十丈皆奄有之一
何世也幼輿次公之飯皆能言鈞誨云將與某落
之宿昔傳聞豈若身見又何榮也亦既沐浴戒行
李以須皮冠之蕪廼前月二十有六日疇昔飯塗
之疾驟作季頰僵卧月惟恃粥如麴生卧沙薄持
牢九之輩皆絕交矣寸步非杖不履陳三詩云人
言寒士莫作事鬼奪客偷天破碎茲游不遂茲命
也耶呻吟成聲因得唐律三章敬以獻焉以佐工
師抗梁之驪以代燕雀臆對之賀以贖病夫衡命

之僇併以聞焉仰惟財幸

荅周監丞

某伏以一雪應期三時有望即辰恭惟致政提舉
監丞卿丈獨立萬象之表高並兩原之峰春祺鼎
來眉壽川至台候動止萬福某已修猷歲之慶茲
辱行李之臨親染銀鈎鉄畫之法書朗誦玉佩瓊
琚之俊語足萃其老亦孔之榮至於餽節之慙慙
粲然為儀之温厚紋魚異品而双止良醞盈尊而
四之右彭蠡而左洞庭忽登瑀俎滴真珠而濃瓊
珀快吸山杯拜嘉載欣推謝無斃仰惟台察

與江東韓運使

某幽屏山間與搢紳東西行者略不相遭仰止繁
星之芒寒寸心深切欲寄雙魚之白錦其道亡繇
疑神載馳與江水日夜而東下也即辰一雪知時
歲律道止恭惟都運華文文玉節山立霜威風生
天人具依台候動止萬福某老病日侵挂冠得請
上恩優異孤迹畝全微台座及晉之波曷濟登茲
感極幸極繡衣持斧觀省民風 聖主仁厚之澤
沛然覃于耕耒壠畝之上榮鰥幽柱之情滄然徹
于甍纊玉藻之下使事有指盍歸春風玉笋之班

用宏厥施山林野人蓋日望之某惶恐白事項因
便風嘗進越以徽州錄參戴從政重熙為篋櫝不

滿之薦恭承台翰報之以今歲下半年與來歲上
半年京削皆有前議矣仰測台意蓋已心許而化
筆未及也寒士得此何福如焉乃知貴人多忘閑
人言輕之說未易可以測滄溟之斗升度嵩高之
尋丈也敢復僭懇欲乞台慈特輟來歲下半年一
京削以收錄之不勝大願某亦嘗薦之於徽守任
文任丈已發來年上半年破白之章矣併祈台察
再三之瀆無所逃刑仰惟矜恕未參拜間願言珍

重即膺賜環之寵

答徐參議

某伏以即辰景迫週年天欲再雪恭惟致政參議直閣年丈高蹈物表獨樂事外天葉名勝台候動止萬福某老病日侵摧墮已甚所謂稔見有不如不見有所起者退之此詩似端為儂發也年丈官簿年齡尚能記憶當未及者稀之數恭聞挂冠神虎懸車里門無乃太蚤儒榮之堂于青霄而直上絲綸之誥揭雲漢而下飾斐然之詩何異蟋蟀之鳴蟲飛之聲授簡所臨不容九頓首而辭避已犯

不遘茲蒙伐石深刻架軸裝潢不日以玉櫝而裹燕石以繡段而藉魚目乎寄似碑本榮不蓋媿也未占侍見願言珍重以輅加璧裡輪之徵

答胡上舍

某久別得誨帖恍若覩玉樹風前之標何如其喜也示教程誡草卷疾展快觀轉圓石於千仞之溪不足為其清駛也敬留錄本以矜式兒輩而取草卷切幸收至願更掇其耘以歛其豐即看冠冕多士之捷親黨與有榮云

答周丞相

某伏以即辰雪後方寒恭惟致政少傅大觀文左
丞相國公潭居府中鈞轉天上春回維斗星見老
人鈞候動止萬福某漁釣棄物不自意得幸於今
月之公且洒玉字墜琚詞餽節物講歲禮有若均
綢馮之為者整黃冠野服手三盃首九頓而後降
拜敬受焉別占蕪語以謝嘉惠茲復重敷

谷斛通判

某屬者兒輩之官因之奏記材官戾止墮以錦書
如渴得泉喜可知也即辰欲雪不雪人春未春恭
惟府判太中鄉文釋彼喧煩啟我風月旌旄尚溼

山岳用光天相台候動止萬福玉蟠咸慶某老矣
何思何慮獨念兒輩未免隨牒餬口四方而次公
愚駭未更事懼抵官刑為老朽羞微我鄉友知已
深厚託契悃款情之以慶雲之蔭難乎免矣安得
廣厦千万間少陵是也眼前突兀見此屋次公以
之示及陸文史君書信已敬受亦復作一書謝之
望願指材官為投達至幸

谷韻守張舍人

某伏以歲事履端春寒方峭即辰恭惟判府右史
舍人尊契文闡制繁雄威惠洽暢忠賢昭格后帝

孚休台候動止萬福某崐岩野夫無適俗韻晚綴
千官雲片之末行獨得編交海內之名勝時則有
若舍人丈英時起請欲論卓詭環詞清錯見之使
人自失聽之使人忘罷誦之使人驚古作之絕唱
退之所謂惟吾崔君一人者非某心服此言奚為
至於前哉一別十五年高山仰止之詩夢亦不忘
也某自壬子之秋棄官還山丙辰之笈上章乞骸
四年三請去笈始蒙上恩聽請放鶴出籠縱魚入
海方覺吾身之屬我也契丈赴鎮剩欲候紫氣之
東來遮朱幡而一見既而聞之已望行塵而不及

矣蓋村居阻深去城逾遠故也不謂燒襖未護緜
袍益篤裂下一封之雲錦倒傾十斛之領珠快閣
新篇把玩初驚而兵厨名酒未酌先醉不覺頭白
眼睛之再明寒窓凍壁之春溫也側聆輿人之誦
露冕曾未暮月而仁行如春威行如秋寓精敏於
裕和而振寬平於峻整儒者之政故應有此類非
俗吏所能為者不在此其將焉在甚盛甚賀某解
褐初學作吏之日嘗充負是邦之民掾崕峒之曉
日貢水之秋風今故無恙乎今得一代之勝流以
為東道主寵光江山前拂泉石真不孤矣天意欲

雪清旭寒甚炙硯呵手作故人書其始憂憂忽焉
混混也安得再見縱談忘塵尾之落飯送飛鴻而
揮弦以續疇昔之樂耶願言迺王不貲之身式柱
斯文之任即還兩地以均宏之

荅周丞相

某下稷恭承訓告降拜披讀驚喜不勝野渡斷橋
非寇手叔訪魏野之便中路破店亦非宰周公會
許男之所蓋嘗以聞矣而未蒙顧之今得銀鈎而
後操心不危慰甚幸甚 芍藥枯且盡矣且屬有
叔母之戚亦不敢銜荅以獻也新將戾止即圖一

小出岩石之瞻伊通預以躍如

荅徽州知府任寺丞

某伏以卽辰春服既成既暄既穆恭惟判府寺丞
尊契丈惠化允洽民咏其仁天棗其忠台候動止
萬福某老病侵加乘化飯盡無秋豪可對天上故
人談者侍側渺無前期不勝大願言迺玉是身式
柱斯文延佇且且上雍之從

某伏自頃來千騎居頭之初寄牋南風以寫鬱胸
之思以慶人生之貴辱報之之寵問之之多上談
宿昔論詩之驩下及生死一訪之盟何如其懌又

雪清旭寒甚炙硯呵手作故人書其始憂憂忽焉
混混也安得再見縱談忘塵尾之落飯送飛鴻而
揮弦以續疇昔之樂耶願言廼王不貲之身式柱
斯文之任即還兩地以均宏之

荅周丞相

某下稷恭承訓告降拜披讀驚喜不勝野渡斷橋
非寇乎叔訪魏野之便中路破店亦非宰周公會
許男之所蓋嘗以聞矣而未蒙領之今得銀鉤而
後操心不危慰甚幸甚 芍藥枯且盡矣且屬有
叔母之戚亦不敢銜荅以猷也新將戾止即圖一

何如其感也樂職宣布亦既許日撫字勞心手易
近民類非俗吏所能為者下轉上聞故當不少矣
表選之好音應有隕自天矣野人聞之獨後何也
戒命先正文集序引命代文將要必得無價手如
夢得乃可序柳文如東坡乃可序改集不應下屬
之某也抑管蒯代匱漿飯承之手欲承命授簡則
不捨醜面欲再拜避席則有負交情牽々下筆以
塞下教之辱別紙呈似

某惶恐晋越再拜敬問契家台媿即日春熙恭惟
尊尊幼幼受祉山則頌祝蠲紙筆墨皆書囿絕品

下拜敬賦山谷去騷畫虎之篇以謝嘉惠云某頃
者僭以鄉友戴糾重熙薦諸篋櫝不滿之處仰辱
大人不以為疑未及下車而論薦之以京秩奏豈
戴君受此恩實某受此恩不翅也

答棗陽虞軍使

某老病僵卧瓜牛廬中灑灑之波久矣沉鱗雪山
之風亦不到面懷我故人於千遮萬隔之外豈不
欲寄一字寫九回厥路何繇子淵之便了朝來剥
啄荆扉踏破苔徑三書朋至七字偕來披讀醒心
清骨奚翅痊頭風也即辰暮春暄淑恭惟知能軍

使提宮直閣恩契文金湯一障華裔教寧民詠天
迪台候動止萬福命戎益公書專僕登時馳達令
待報也李江州無半面已轉于俞漕一書或檄亦
以書繳來教及事目付便介持往漕司投之又未
知俞文肯從欲否便介必能言其詳也先雍國先
生銘詩抵俟行挾至止即為落筆未見願言珍重
即恊必復其始之祥

答韓運使

某伏以即日四月維其氣猶清和恭惟都運徽猷
文流馬勲崇擊隼威肅民二其天神百其相台候

動止萬福某黃帽青鞋乘化歸盡瑤林瓊樹清陰
焉依空有隔千里共明月之寄懷豈若開青雲晴
白雉之為快上言加餐飯下言長相思使事有指
逐歸帝所以從上雍惟日望之

某疇昔之夜青燈作花破牕既晨乾鵲饒舌私自
驚怪一寒如此槁木冷灰誰復以春風淑之以東
緼難之者竊咲未既而江東之雲隨我林磴秦淮
之月入我懷袖矣字字烟霏而霧結語語金春而
玉應此其為賜固已百結綠而千懸黎矣而况峽
蝶之羅水紋之縠雲機之紗以換其獨速之短義

五臺之花魚廉之沙魚東海之碧鱗以洗其藜藿之
枯腸乎九頓首以謝嘉惠猿鶴亦為之呼舞泉石
亦為之焜耀也餞行之章蕪拙可供一莞乃蒙蒼
石深刻濃墨塗澤花綺緣飾覽之駭歎悚懼媿汗
永詔作者之咄点耳

又

某翬翬之謝謹列他藪茲不累爾恭審都運徽猷
策冰解漕下之勲膺日邊除書之寵裕陵聖作星
翻漢回徽閣華擡雲興霞蔚自非名勝莫寓直廬
綬紫魚金蕃錫丞拜恭惟慶恆某聞之也後賀已

云遲惟茲孤懷戴欣靡已戴糾書兩辱賜報殊為
執事之勤薦紙有限末者何究亦安能周及也戴
君荷稱煥感已不淺

荅建昌陳知府

某伏以即辰玄扈有鳴赤熒於赫恭惟判府太中
外庸告成為裝入覲天人送喜台候動止萬福某
老身幽屏何從得一望見玉山瓊樹之餘映顧省
厥細馮對越旅宸敬賦卿月昇金掌之詩以埃厦
成之賀

某存辱遣騎隨賜誨函折屐走趨盥手披讀情誼

獨至感至感喜不勝惟茲良牧刻印昭代大樂之
書裝金鑽石室之秘以備陳農之旁搜而答賓牟
之大問顧下取於哇俚之蕪詞以筮諸篇未不曰
以裝薦錦以韋先璧乎頌以墨本不覺汗浹背也
推謝不莊仰惟財幸

答贛州張舍人

某伏以即辰南風之薰時雨既降恭惟判府右史
舍人尊契丈五月報政千里生春風謠式和博載
咸若台候動止萬福某老病餘生自放於山顛水
涯之外麋鹿之與處鴻鷺之與渚逢者不識過者

不問而我天上故人獨回朝陽之暉揭五緯之芒
每委照衰朽於覆盆蔀屋之下親戚李簿之敏道
暄涼問無恙外手把一封書如天落雲錦也正冠
九頓首盟手三復圭退之所謂驪日寒光之映骨
子厚所謂垂露清風之入懷一日而兩得之其榮
且感宜如何也諏及易書此意尤厚蓋老者無營
癢者無俚則聊復呻搞簡繙蠹篋且以永日且以
遣心而已尚不足為京房焦贛之奴婢而況王輔
嗣之精微程伊川之至到亦何能窺其藩而闚其
戶哉八八之卦亦未終篇未經竄定何急於出而

徵於傳也太史公死之日是非乃定伊川先生易
傳已成而身前尚未出也而況於某乎晦菴先生
亦嘗問及嘗以家人一卦呈之今亦呈似一本也
若李何必多啖啖其一恐咀之未竟而擲棄道旁
矣李簿云張先生詩傳已脫藁成書矣龜鼎之側
儻可染子公之指乎某皇恐僭稟陳幹章絕識偉
器文學卓越未冠擢第藉甚厥聲數年前為尉安
福貪則到骨而益廉去已久而見思然孤寒無媒
蹉跎二十年矣今幸遭一代之正人在士儒宗文
師一顧賞音便價十倍敢以薦諸篋櫃未滿之處

望特輟今歲上半年一京削以為之破白先生一
唱群賢畢和矣知春是特故敢於言獨冷無挾故
可以言仰惟財幸李簿荷國士之遇非但廣厦之
庇而已一衣帶水未有望見玉山瓊樹之期願言
省厥網馮夫如金玉即還上雍之從以主吾道之
夏盟

與隆興府張尚書

某伏以即辰仲夏之月南風之薰恭惟判府安撫
華學尚書帥閩繁雄德威洽暢芒寒翼軫氣淑湖
山三神致祥台候動止萬福某漁釣一岳麋鹿同

群何幸蒙株於仲尼覆燾之天獨恨未拜於韋伯
星辰之履不勝大願願言式玉啓處愛若護之即
宅鈞樞用宏其施

某深惟大江以南督府大牙而洪都雄峙不作第
二唐屬之帝子中興之初屬之大丞相李公不以
其上流一都會故耶時則有若華學尚書厥今高
文絕學之英本朝鉅人長德之首瑞一世而福天
下粹乎如不執鳥之鳳不觸之麟未嘗朋一善人而
善人怙焉未嘗仇一匪人而匪人懼焉是非有不
私之仁不粟之嚴裡充而表自孚心化而目不運

如古之所謂德人者曷濟登茲 皇上因其勇退
之不可留而屬之以上流其不輕而重也昭昭矣
而某也不意老退之身乃得受一墨為氓何如其
喜也然父老扶杖而往觀兒童騎竹而驩迎某獨
不得從其後又何如其恨泚筆奏記蓋前以為一
路賀而後以致一已之私云仰惟財幸

某皇恐頓首再拜僭問容駟之門潭居之府德星
之聚蘭玉之嫵尊尊幼幼即日清暑恭惟善祥叢
委山則川增某皇恐輒及其私大兒長孺愚駭無
似傲邑南昌適有天幸遭乾壽蘇肇寔之日首得拄

笏拜庭以趨走仰事五雲三台之末光敢乞廣廈
千萬間之大庇不勝懇切之至某塵忝正出令兄
安國舍人榜末亦嘗婁參拜蒙顧盼則此兒亦或
者猶在門闌子姪之後塵乎及此則僭矣惟夫子
忠恕焉

與隆興府趙參議

某伏以即辰昌歆踰節安榴薦芳恭惟參議提刑
少監先生高議帥閩嘉謀師律后釋憂顧天棊忠
賢台候動止萬福某老病餘生乘化歸盡慶雲在
上覆露焉依侍側云隄嚮風孤往願言綏厥泰宇

式如玉金即隨鋒車逐踐台斗

某伏自散軫江介歲在六身嘗走兵人奏記起敬
來年云秋移病上印自此棄官九載請老三章不
惟衣冠束之高閣而已橫研囊筆不記吾誰姓名
羞達於部家書問諱浼於親旧藉弟令不自羞諱
彼獨不汝羞汝諱乎乃至於一字亦踈於先生知
已至深至厚者之門此故之以柳子所謂非意也
勢也繫我先生妙於詩文何必減於介軒峻於德
望何必減於大資裕於才識何必減於起部然芒
寒色正實大聲闕磊磊在宇宙間者五六年顧

乃與其一同其蹇而不與其兩同其身信矣吾道
之艱於逢而善類之永於喟也自令子戶掾之來
每見必得聞靜作暄涼之詳先是羞諱之戒可以
破矣又作延之役老病故也令子下筆其布陣甚
似項羽吏道殊精敏而潔已直道玉立竹裂所謂
生子當如仲謀者歟敢以為老先生賀矣

某皇恐再拜敬問師門台媿恭惟即日清暑尊釋
咸慶有里中委緘悉唯命某皇恐賤懇大兒長孺
受知不淺今學為邑於南昌正依仲尼無不覆燾
之天百爾誨之庇之所謂我兒即公兒也故知不

謁而獲然申申而謁焉仰惟財幸

與運使俞大卿

某伏以即辰玄扈載鳴赤熒有赫恭惟交代都運
華文大卿尊契文塋節光華永漕肅給百吏霜凜
萬家春生三神備釐台候動止萬福契門蘭玉之
媿尊尊幼幼受祉山則某伏自春半衝兩江于漈
見錦纜牙樞之下風得一瞻青天白日之清明滿
聽登峰造極之談咏盈襟埃垢冷然一空所謂江
漢以濯之秋陽以暴之者歟既而又蒙書禮舉公
謙之盛儀委折俎之腆賜曾之百牢鄭之九獻何

以尚此野人降拜何如其榮又何如其感也某抑
嘗進越以吉學金廣文爲進於門下不崇朝而提
學之京削如從天落有請必從有謁必獲何如其
感又何如其媿也交代丈數月之間榮兼三組任
不重而事不亦叢乎而若漕若帥若憲之政掣領
而裘頓舉一而萬從微開物成務之鉅材聽遠燭
幽之絕識泛應曲當之敏手曷濟登茲甚盛甚服
然再離鶯行將十霜矣把江海之一麾駕原隰之
四牡外庸有續使事有指勤亦頻矣歲亦淹矣細
晝夜下甘泉朝陟弘尚竊遲之也新帥既至文書

少省而祥刑尚虛位未能不小勞否某惶恐小稟
大兒長孺無能不才輒學爲邑不寧唯犯五不韙
而已今茲之官如天之福乃得充下走而執鞭爲
先驅而負弩仰戴於仲尼履薰之天密溉於叔度
澄清之陂東坡云我兒即公兒也敢以託翁敏之
無私可乎教之誨之俾知爲政之方填之撫之俾
免凌兩之虞吾舍魯何適矣言之煩瀆而不自知
也惶恐惶恐未占侍側願言省厥細馮式如金玉
即從上雍用光吾儒

谷太常虞少卿

某伏以即辰仲笈之月南風之薰恭惟判寺奉常
少卿尊契文王立頌臺刺經作制聞樂知德天棊
忠賢台候動止萬福某老病餘生乘化歸盡仰天
上故人於非烟倒景之表自視蚊雷隱汗渠醢雞
虜甕天何敢望分天章而織雲錦者小兒來飯袖
出華星秋月之書玉聯金句之軸藥物楮穎之贈
若將卹睦嫻而禮高年之為者愆邁之人何以得
此於夫子通貴之門也九頓首而三飯依其何感
如之東坡云君如大江日千里我如此水千山底
邈無瞻高明聽清越之期願省厥細馮式如金玉

用對于掌制進讀之拜

某頃寄奉懷之唐律情之所至而形為畫畫者正
如苑柳嘒嘒之蝸草根嚶嚶之蟲耳若繩之以敲
金擊石雲和孤竹之大音則陋且廢矣賡句下逮
所謂突過黃初歷倒元白不啻也回視倡者徒有
或百步而後止耳至於近作一軸如槿花朝暮相
催君莫問一遍零落一遍開如乍開乍闔月穿雲
如猶有旧時双照淚而今不忍十分圓如木犀天
上移來和月種如年來只有賀人書如問大鈞縱
然不得文章力也向連山去作州如夜永只憐灯

是伴秋涼最許單先知數盡更籌窓送曙起來贏
得鬢成絲如九日年來只有身究健莫把茱萸浪
自愁如蓬底吟哦詩有味胸中磊隗酒無驩故人
莫枉綈袍意范叔猶能忍一寒如燭短怕更長如
虜使方將接踵至淮民未有息肩期如虎皮皮在
有餘威如滿懷冰雪中秋月過眼鶯花上苑春如
一別十年難再逢至莫為元規扇障風此又珠中
之徑寸玉中之連城也和林正父八句皆奇此尤
難者難者所謂夫子奔軼絕塵而回踵若乎其後
矣侯喜曰弟子伏矣

某惶恐頓首再拜敬問契家蘭玉之媿即日清暑
恭惟尊尊幼幼隕祉山則有廬陵委顧奉教小兒
幻輿進拜既辱先生長者與其進又辱盛禮燕集
誨言周諄褒字藉絢闔宗榮感喋喋何足以謝媿
兆之一二

再荅虞少卿

某已端拜天落雲錦之書亦既顛顛奏記以謝嘉
惠矣而別紙之誨又特達以先國大美擯寔寔之
銘詩詭之於愚懵不能文者義命恍駭慄莫敢當
竊惟聖主在上文治燁然慶霄所覆万物五色一

時儒宗文師老於文學者麟儀鳳師金春球鳴如
司馬班范如舒向卿雲如韓之日光玉潔如柳之
芒寒色正如本朝之改蘇曾王者磊磊相望契丈
渡銀漢歷咸池而不酌顧乃過潢汙潦牛蹄皆井
而斟焉何也契愛不淺命戒甚榮又不容趨風以
避掩耳而走閱免投簡以塞盛意敬書丹封以呈
似悚仄悚仄

嘉定元年春三月男

長孺 編定

端平元年夏五月門人羅

茂良 校正

誠齋集卷第一百七終

誠齋集卷第一百八

廬陵楊

万里

廷秀

尺牘

謝俞漕舉南昌大兒陞陟

某近十三日燈下大喜走筆以致命召之賀當已
上達適得大兒書報仰蒙台慈矜則寒士特賜刻
奏舉以陞陟劉安登仙雞犬隨之而上天狄公為
相桃李皆出於其門方當知己大用之初首在華
端膚寸之下此舉殊絕一路聳觀仰惟異恩盡室
懷感喋喋何足以謝少見萬分之一耳

答新澧倅胡判院

某伏以即辰春夏之交暄涼之雜恭惟季解府判
判院鄉文淳家赴鎮前茅追薄片雲催詩川后靜
波天相台候動止萬福某恭審上稗圭水衡都內
之印寫定國竹西烏絲之幅洞庭木葉澧浦玉佩
寂寥千載復得今代之屈宋衣天孫之錦裳提詩
人之椽筆以主斯文之箕盟何其盛也沅芷澧蘭
端可賀矣幻輿如天之福遂得走趨服事於清塵
之下風訓之澹菴續弦之膠庠之以仲尼上律之
天不於門下而望更於誰而望也慶牋未准墨妙

先之摧謝無多語上言加餐飯下言長相思無疾
其驅天子有詔

某惶恐再拜敬問金玉之堂芝蘭之庭即日恭惟
尊尊幼幼受祉山則某老病不中使令然取履結
鞅尚堪承命兒曹皆辱榮問至感

答本路張提舉

某伏以即辱春筴更端寒燠挑戰恭惟提舉即中
繡衣立漢玉節倚天秋霜百城春雨萬物三神墮
祉台候動止萬福某納祿為吐遠跡荒野二天覆
幬四体不勤此賜誰出可諉其感拂日之旆局月

行部當與山農披獨速戴夫須九頓首于星輅之
清塵將命者還奏記推謝願言迺玉厥躬以柱吾
道即從上雍云

某惶恐再拜晉越敬問潭府之居德星之聚即日
恭惟尊尊幼幼善祥山則純嘏川增某卧痾餘生
固不足備牛馬走或者執晏子之鞭取黃石之履
猶足代匱否

又一幅

某惶恐敢因賜書之寵光輒致敬憤之賦懇大兒
長孺適不自量其不才冒昧學製南昌之岩邑行

且一考適有天幸乃獲走趨服事于使星之末光
敢望台慈憐之以仲尼上律之天庇之以子美萬
間之厦俾得展尺寸以竭其力竊斗升以活其孥
訓迪其不逮而全度之有終不勝寒士初恩望賜
之至

荅成州李知府

某依以即辰春筴之交寒暄之雜恭惟判府太中
卿丈身作長城隱若敵國邊圉大競天人具依台
候動止萬福某齋莊奏記以謝先辱未見願言貴
珍大業即還禁近某辭奉玉立十五其霜蜀月楚

星萬里同畧一封雲錦西風吹來披讀三周驪慰
亡量恭承命戒委以先太中掩幽之刻老病學落
其焉敢當司馬大夫之簡介弟得得遠臨以兄之
命命下走辭之可乎抑文債如山撥之不開願小
紓期會儻擬作章就當得敬泚惟原省焉

與本路運使權大卿

某伏以即辰首芟清和南風薰阜恭惟都運徽猷
大卿尊契丈外臺倚天使華掃日春雨萬物秋霜
百城三神儲祥台候動止万物某自顧黃冠野服
之微仰瞻繡衣霄漢之貴楚星蜀月各天一方雖

欲寄牋書成無鴈今焉東顧乃獲奏記何喜如之
未見君子願言珍重即登甘泉法從之綴

某恭審膺受奎書肅將水漕錦江玉壘回岷峨曉
日之旗雲棟兩簾煥素梓畫衣之繡過家通止即
拜榮如恭惟都運徽猷大卿嗣中興佐命之英為
昭代典刑之老即星卿月徧春風玉笋之班使傳
仙撓犯北斗銀河之浪乃底可績式造其畝即陪
紫禁之鶯花密綴彤庭之筆橐某十年不見千里
相思獨有二天晚託故人之覆燾憑將尺素小摠
慶語之懇勲仰惟台察

某惶恐再拜敬問台閔玉婣即日恭惟尊尊幼幼
受祉川增某惶恐賤懇大兒長孺不量愚駮試邑
南昌遂獲容依使星之末光俯充臺治之下走敢
望御以柔轡寬其疲駑憐之以仲尼上律之天庇
之以子義萬間之履俾得効尺寸以展其力竊斗
升以活其孥始終保全不勝寒士幸願

谷隆興府王倅

某伏以卽辰震治將箕暄涼方戰恭惟府判太中
同寅帥閫分月湖山天迪仁賢台候動止萬福某
敬澣濯衣冠上記連教仰謝于相先伏惟原省

某山林野夫分牘草眠鴻沙影響不達于市朝姓
名不至于通貴顧獨聞督府之貳有君子焉盛名
與五緯爭光雅德與三江同流而未得一識私竊
恨之敢謂達官貴人乃折節以下草野雲錦一封
自天而落意氣煥休勞苦劬愉又投贈之以先正
木抄龜跌之碑盥手漱石三讀九歎仰觀前輩立
朝伏蒲之大節卓詭切至之忠言僕雖老矣猶得
師也何福如焉摧謝之心尚妓萬於此紙上之云
云者喙訥於心筆又訥於喙甫

某惶恐九頓首以敬問廬家白玉之堂楚天綠荷

之屋德星之聚飛仙之媿即日恭惟尊尊幻幻受
社山則某老病無能為役然豈無取履結鞵之可
執者傾耳以俟也某惶恐有懇大兒長孺適有天
幸乃得充下走于大府託蔭映于慶雲教載之全度
之舍魯何適焉

答周監丞

某伏以即辰老紅駐春衆綠生箕恭惟致政提舉
監丞尊契丈台座老子之龍斲弄明月仲尼之鳳
頤頑飛霞堪輿篤棊川岳盡護台候動止萬福爰
暨金玉之堂芝蘭之庭安期羨門之集受社山則

某一生強項小信襍祥而疇昔夜者玉曳作花如
太華之蓮朐爽清旭乾鵲饒舌如魏人之謀家人
子輦咸曰是必有異僕固盧胡而心誹之也言未
既而韋公五朶之雲謫仙一封之錦自天而落矣
隻染双摘莫非寸裁金而双截璐也意者乘成先
生撐腸以東壁西崑之藏滌筆於水鷗雪枕之泓
而然耶不然何其一字不似人間來也若其期汗
漫於九垓之上御風徃反或命巾車于青原之雲
或掉孤舟于白沙之烟其出也導手前者維有白
鷗和其哦者維有黃鸝僕亦不得而追也其飯也

夾其輶者維有荷芟候于門者維有揚柳僕亦不得而隨也其人亦不得而追隨則其書顧不可襲而寶乎昔歲冬年之約蓋出於仲尼相君不敢以聞耳僕焉敢作意起事乎且此世俗之苛禮也非吾人之内心也尺素勞苦固所願得而望賜者所約豈為我輩之情詰恩書也哉鳳毛仇香似聞捧檄覲省即有膝上文度之喜可羨可妬某三雜偕出而王陳二倩夫婦皆挾床坐膝者來暇相伴可受其聒不落莫也辱多問故及願言永綏眉壽聖主三王乞言之益七十二鑽勿厭勿倦勿靳

答提舉雷郎中

某伏以即辰離治肇修清暑云穉恭惟提舉郎中尊契丈身兼三官名齊十賢遠毗如幾蘇波如砥自天祐之神介聽之台候動止萬福某來日無多前途就窄羅雀之門亦無雀可羅矣軍將打門蓬首出問乃吾天上故人飛隨雲錦之書訪問生死之語詞温如春意厚如親至於清酒百壺花羅八兩東坡江瑤之品蔚宗室重之妙紛委甲至殆將塞破野人茅棟矣酒錢與鄭衣著遺白數百年無此事矣古風蕭蕭公獨追還士俗所闕與時高下

豈細也哉顧老病之人無以堪之耳言之多多亦
祇以贅頗聞莫徭小蠢隨即殄殲頗動指縱否大
兒數來迎侍張帥亦一遣泛宅初欲一徃竟未能
也東湖西山招王勃喚山谷尚不要徐洪郡要病
翁耶荷荷未見願言珍重即還雞翹豹尾之間以
昌斯文

答彭澤王縣尉

某恭承千里寄聲示誨文編讀至潛玉述宣子誅
詞氣沛然如銀河倒挂孰能禦之進而未慙老夫
當避路矣王亞夫有子可賀也已二境詩呈似一

咲

答黃宰

某蒙命戒新學記書冊夫以賢令君之盛舉鄉丞
相之古文而某乃得挂名經端縱不我命猶將未
旃矧有命乎示及方目卷子即當落筆

與江陵范侍郎

某伏以即辰離治厥初清暑猶釋恭惟判府安撫
閣學侍郎尊契文卧護北門身作長城威惠交如
天人咸若台候動止萬福某老病日侵僵卧待盡
眇然未有參拜之期不勝大願願言式玉厥躬以

棟吾道即問兩社均宏四海

其一昨台座持祥刑之節於湘江某服輓輅之役於建業大兒長孺每得從載後車於淡岩浯溪之上是時嘗一奏記未幾相如諭蜀畫繡錦里而野人則解組懸車畝耕岩石之下楚星巴月相望万里公之便了我之奉壹皆隔其蹟矣然雪山倚空而照人伶俜之影無一日不在光映之中也契丈正學懿文何必減當家之玉堂鳳池孤忠壯節何必減宗人之文正忠宣人物無不及而名位有未稱僕寧勿言言之生癭姑置姑置每懷館中之樂

公之珠乘自史院而東出僕之柴車自提舉廳而西入相顧交揖竚立小語今如在天上而况賞梅石渠登高風篁也乎僕亦勿言言之斷腸

某惶恐再拜進越敬問台座自揚祖荆浮家移鎮嫂氏淑人一行尊釋能勿勞動即日恭惟蒙福山則令似直閣今幾人先是未塗柴麝之時每動乃翁之念今有子万事足矣老妻兒女列拜起居有廬陵委否某惶恐賤懇第三男幼輿不量釋駢初習為吏充負澧州慈利縣監稅故人作手眼為青之句願賦山谷是詩也又有至鰥長孺之妻兄承

直郎澧州推官吳琛文詞炳蔚敏明廉已仁民足
周世用其淳熙已酉假守筠陽之日渠為戶掾極
賴其助是時未作親也首以京狀薦之今又有余
丞相顧守二章矣唐憲亦許以職司之章舉之獨
合夫未有畔舉敢告契丈帥司特輟今年下半年
一京削以成就之不啻某受此厖鴻之恩至懇至
禱

答湖北唐憲

某奏記節下三致志焉伏勤誨答訪問生死情文
綢繆宋感万斯幻輿初習為吏便蒙天上故人招
為人幕之賓脫之潢汗轉之清波使某與老妻聞
之感激不寐也吳推文字極費區處死罪蒙許來
歲京削至感至感聞家塾一新義學多士朋來敬
漑一古詩以詠歌盛事惟一咲而棄置之

與澧州趙守

某惶恐敬致賤懇推官吳承直琛大兒之妻兄也
文詞炳蔚才識敏明廉已勤民足優世用其淳熙
已酉假守筠陽渠為戶掾極得其助是時尚未作
親也首以京削薦之今又有余丞相顧守二章唐
憲亦許以職司之章所大缺者合夫之舉也適有

天幸乃獲趨事旣壽之末光敢望台慈特輟上半
年一京削以成就之似聞幕下賓贊多初官未用
得文字計亦無爭者惟台座一灑薦墨則五章之
恩併歸門下不然則九仞虧一篲矣其利害輕重
大小仁人必動心焉

答吳節推

蒙諭趙澧州書今上納如看訖却緘蠟而投之范
帥亦有一書幼輿託此并求尊親京削今幼輿錄
呈也唐憲回書封去某又再懇之矣陳漕無半面
不曾通書亦不曾作幼輿託此之書彼此無情分

豈可于未談何容易不惜取辱但無益耳餉脯醢
果實至感

答吉州趙倅

某恭聞總司盡蠲糴事此蓋通守仁賢深軫民瘼
誠心所格金石為動某何力之有重勤謝幅何敢
當也叙報不莊惶恐惶恐

答江東耿運使

某伏以即辰祝融仲月昌歎佳辰恭惟都運大監
殿撰尊契丈玉節挹天水漕流地百吏秋廩一路
春生高厚給扶台候動止萬福某老病日侵少安

田里皆天上故人五緯之芒九河之潤所照映而
滲漉者敢忘所元未占參拜願言保合大和對揚
休命即侍日泉用光吾道

某頃者台座自陝以東召公主之適小兒入京因
之奏記仰勒報教榮然餘生介在村落如坐井底
乃不知不知有護堂之威不獲修生芻之弔今奉
尺素赴告始聞焉欲唁則後矣所謂既除喪而後
越人來弔者耶死罪死罪台座經世之材冠出漢
廷諸老之右即星卿月使節州麾顯庸嘉績簡在
上心久矣寄徑簪橐鈞樞端不作難此海內所仰

目也五年之間再臨旧部孰不有下喬本之歎尺
一式遄可倚而矣某挂冠林下死灰不難朽株不
芽過者掉臂而契丈不遠千里詔書寄聲訪其生
死此事今無古或聞也推謝之詞萬此寧有足耶
也

某惶恐再拜敬問契家台媿即日恭惟尊擇蒙福
餉以天花麾姑鯁魚沙鯿線海錯宜筆下拜珍感之
至大兒長孺荷合夫之大恩得僥改秩之官南昌
行且一考次公幼輿為衡澧稅官亦皆之官矣併
辱下問尤感尤感

答韓總領郎中

某伏以即辰五弦解愠八能奏音恭惟奉使總領
郎中尊契丈上應列宿外饒師干天人是孚河岳
盡護台候動止萬福某老病日侵未先朝露微我
天上知己情以慶雲之惠何以逮此未占參拜願
言導迎叶氣哀對電光即第從臣之嘉頌

某恭審對越紫泥騫于粉省氣衝星象虹貫依烏
之躔饒給貌貅輻湊汎舟之役恭惟驩慶某屬者
奏記控于司聽以鄉邦疇昔之小飢祈臺府蠲除
於糴事大懼芻言之僭自投繡斧之誅敢意宣慈

未忘旧部應之如響報以好音煖然似春沛以潤
澤免符既下闔境驩呼顧病夫欲謝而未能忽行
李鼎來而繼好一封雲錦訪問死生千花越羅衣
被寒苦侑以肴核固非珍芳馥勝絕於漸臺沙鷺宛
同於周雅紅矚如瓜之棗霜清大谷之梨旅百于
前有方其寵徒知九頓首而坐書不盡言安得一
交臂而談愛而不見仰惟丈席下燭寸心幸甚幸
甚

某惶恐再拜僭問金堂玉室之闕安期羨門之燧
即日恭惟函蒙祉福尊雅惟鈞某病身無所可用

然取履結鞵尚堪為役

荅鄒校書

某伏以即日五弦解愠八能應律恭惟校書校理
秘文依光東壁天棊忠賢台候動止萬福某老病
日侵前途就窄未先朝露蔭映所逮敢忘歸倚侍
見眇然願言愛此大業對越休命十年鳳沼某也
尚竊逢之某深山野人雉兔之興處魚鼈之與渚
幽屏寂寂姓名不入脩門書問不至朝貴曾謂一
代名勝以阜詭切至之言而當聖心以博習修潔
之儒而表冊府乃於霄漢之上隨雲錦之書以辱

收之不以其老至老而加斯湏之敬乎惟名高而詞
之卑德盛而心之不足此古聖賢進德無底之岳
也顧肯與鄉里小兒校科級而競名爵也耶趙載
道所委記亭子之文某也淺之為丈夫矣以是媿
執事

荅彭憲

某伏以五弦解愠八能應律即日恭惟提刑直閣
即中尊契文霜臺拂日玉節倚天一路春生百吏
秋肅天棊忠賢台候動止萬福某來日無多未先
朝露者不曰仲尼上律之天覆情而生殖之手一

寢一飯敢忘所元旧因疾趨肅容過闕折笈損一
將指疇昔夜痛呻吟呼天起視東牕殊不肯白清
曉命瘦藤跣而出忽有軍將打門童子走報天上
知己詒我一封雲錦之書尉存酸寒訪問生死發
而占之再拜三讀不覺失痛楚之所在檄愈頭風
僕始不信乃今知之此惠已不勝其渥矣而又申
之以名酒佳實之餉縹玉芳列金漿澄清先薦屏
攝而後敢洗琰開嘗漢之蘭生隋之玉薤程鄉之
若下沙洛之醪鄴風味勝絕所謂有過成莊無不
及焉至於來會山風滿把月露昭洗色香味尚帶

林下氣韵也一杯狂醉罽入無功之鄉親睹伯倫
之德尚天高地下之不知而何樂正子春之疾之
知哉感戢意氣姦兆未多也鄉邦自入箕五風十
雨未足以喻今歲大底三日而霖霖五日而滂沱
不冒田疇不漂室廬食新之望在挾日間耳微祥
刑使者平反空囿之仁感召嘉氣曷濟登茲退之
云胡不均宏俾執事樞山谷云三十餘年霖雨手
掩留在外作時豐古今同此歎也侍見未有前期
不勝大顛顛言愛此大業對越休命細禮除書且
書以須金堂玉室之闕安期羨門之媿恭惟尊推

蒙福某老矣取履結鞵尚堪為役

荅蜀帥劉尚書

某伏以即辰六月徂暑南風之薰蒸惟判府制置
龍學尚書尊契丈卧護天西名震閩外忠勤昭格
高厚給扶台候動止萬福某病與老期前途就窄
覆露所逮未先狗馬填溝岳耳餘無足為知己導
者楚星蜀月萬里相望何從得一瞻玉山滿聽韶
鈞願言愛此盛德大業作我明堂一柱即補虛左
之席

某日嘗奏記西征前茅之隸上林之雁石頭之函

香如也第覺風來雪山水下灑瀕帶仁聲而挾威
譽日夜與之俱東允谷平生期望於一世盛名之
下者甚賀廝赤三輩清曉剥啄柴扉驚越猿鶴之
夢真謫仙所謂手把一封書如天落雲錦也送似
書丹之富侑以藥物之珍降拜有萬其感某頃在
金陵京丈是時帥蜀以通鑑唐書為寄至於太平
御覽之書疇昔間名何嘗夢見此惠尤不貲也方
當問龍乞水洗開病眼睛隄隸兒時展一編便如
見諫議面也小詩摧謝見於別牋惟一覽而投之
苦海耳

某惶恐再拜進越敬問金堂玉室之闕安期羨門
之媿即日恭惟尊尊幼幼蒙福山則諸郎學士直
閣俱未嘗展連敖之謁任學之優衣鉢之付無然歎
羨之詩某所以願賦也大兒獲倚通德之門巢萬
間之度風雨不動如山矣中男皆已之官極感多
問如陳開州雖不及一受出鞭竟蒙約王茶馬同
上祔墨不翅某受此厖鴻也羅普州荷寄支積奉
即送其子渠自有謝緘今付來騎呈似京文當國
天下之士受陰賜多矣當時未必知也今乃知之
矣而九京不可作矣前膠續弦不在門下而焉在

乎惟母忽

谷本路張帥

某伏以即日六月徂暑南風之薰恭惟判府安撫
閣學尚書契丈以北斗喉舌之淵耀鎮南紀波瀾
之上流令修戶廷民安田里天人咸若弗祿鼎來
台候動止萬福某視蔭及夕未先朝露慶雲在上
敢志所元願言愛此大業對越休命厖左之席舍
我某誰

某深山野人誠不自意天上知已遣紅塵之一騎
隨雲錦之尺書寸金双玉之詞秋月華星之字訪

問生死尉存酸寒此恩不貲矣而蘭生玉薤飲以
公瑾之醇德雲腴雪乳濯以玉川之清風魚鰾于
留之沙鯿赤鯉有神之鱣又屬廢其口腹而燕及其
室家至於念炎官火織之蘊隆則揮之以安石之
蒲葵憐明牕斐儿之寂寥則富之以剡藤之玉板
究兒暴富真成塞破茅棟矣恩意隆重何以堪之
降拜感慚惟誦淵明冥報以相詒之以謝姪兆之
一二而已載惟老病之身未死之間有願未償剩
欲駿奔府廷望見瓊樹而嵒康之嬾不翅七者之
不堪李陵之憊亦復屢鼓而不起情與願違豈非

天哉然先生解榻之意非有胸無心者其誰不懷
終當一往以讎千里命駕之債僕之業在載馳卒
章之二言矣某既濯冠盥手發書占之矣則又有
文書一函啓滕未既而珠璣盈把霜雪回光奪目
聳神應接不暇蓋于湖先生之手澤也篤素先生
有命命以挂名左方夫豈不榮然以媼母譽南威
以拙工讚王甬借不自忸其若旁觀明眸者何勉
署數語竟不能奇塞先生長者之命而已戒及頤
菴詩集序引併奉教頃者天幸乃獲瞻拜凌烟之
冠劍借哦四字視吕化光二十四頌東坡德威之

詩彼將僕命我矣重勤齒及震觀以之
惶恐再拜進越敬問台閔玉嫵即日恭惟尊釋蒙
福山村有委細大唯命長孺愚駭不肖仰戴仲尼
上律之天密巢子美突兀之屋今知免矣闔族感
恩庸有既乎更祈終惠不勝大願

谷廣西張經略

某伏以六月徂暑南風之薰恭惟判府經略敷文
左史舍人契丈以五侯九伯之師撫百奧群蠻之
封威德兩崇華裔交慶三神盡護台候動止万福
某老病日侵荆扉畫閑不逢東西行者之便無從

奏記以為建牙開府之賀而羅令之歸首奉一封
之雲錦訪問生死尉存寂寥温詞幼愉厚意篤密
所謂故人情誼晚誰似令我手脚輕欲旋也台諭
以謂蠻俗本自易於填拊非漁小利者激其變則
徼奇功者促其變可謂洞見西事之根撥矣常愛
亡友張欽夫帥八桂日有勸農之詩曰國之大法
有擘其垂蓋欲爾驚非欲爾施爾或自廉予疾予
恫安得予心達于爾衷此真臨人而有父母之心
者也此意與契文章貢謝表異詞而同指端可相
為表裡矣惟契丈但辨此心何病蠻俗之不懷民

功之不集哉甚賀甚賀羅令具道契丈知遇訓誨
之意居諸邑之右甚願展布四体整竭尺寸允答
恩地古人士為知己者死死尚可而況為之用且
求自見於斯世哉破白京削之諾極知踐言必不
侵為者亦遵紙尾赫蹠之囑不敢漏師于多魚也
一笑衛陽兒子次公昔嘗參拜再見荷未忘牖間
之半面且辱齒牙之借譽老懷榮感簡薄老儒尤
蒙青眼寒士之光也益公事出非意初欲一出謁
之緣每一見必來山間報謁不欲動之第以一行
之書間勞之而已荷問及某與益公同感厚意也

未見願言愛重盛德大業即還甘泉之著遂膺鈞
樞之拜台媿尊禪即日受社惟鈞有委不卑夷之
乃幸

與湖北陳提舉

某伏以即辰季箕之月南風之薰恭惟提舉寺正
玉節倚天使華拂日登攬有俶風稜肅如三神所
釐台候動止萬福某吉蠲泓穎奏記連敖未占參
拜不勝大願願言愛重大業對揚休命即還第頌
之綴

某頃在千官雲片之末行因得盡交四海之名勝

而泉山為最名相如梁公則知己之深者詩人如
傳安道則投分之厚者是時已聞執事其德似太
丘其文似子昂其詩似後山至於領都內則有釋
圭之令聞贊廷尉則有有功之陰德典名藩則有
次公之治行其所立皆卓然如太岳之玉立炳然
若斗柄之天垂也而僕也獨與執事出處不齊也
如相避然寸心歛然至今遺恨今乃欲以尺紙之
敬揅中情之動以納交於美蕩之末光前無契好
後無介紹或者以為驟一則野人一則顯仕或者以
為僭焉抑聞孔文舉與李元禮初無一日雅而文

舉遠引仲尼伯陽之交以為世契元禮然之吾家
德祖與公家孔璋同為子建之賓客非世契乎豈
曰驟之云乎張文潛與公家後山初不相識而以
一書定交所謂朝陽之光在納久矣者其書云耳
則僕之尺紙豈曰僭之云乎太史公曰可為智者
道難為俗人言也

某惶恐再拜僭越敬問金堂玉室之闕安期羨門
之媿即日恭惟尊尊幼幼受祉山則某老矣無能
為役然尚堪取履結鞵也遲速惟命某惶恐致敬
先生長者之初不應便有請謁亦惟曠度盛德是

特小男承務郎澧州慈利監稅幼與筮仕之初愚
駮無以適有天幸乃獲趨事外臺之下風敢望情
之以仲尼上律之天庇之以子美突兀之屋俾得
竊斗升以活其孥效尺寸以展其力終始保全免
於罪戾不勝寒士少隸之福

答張主簿

某恭承誨帖貺以高廟日曆全書某蓋嘗充負史
宮載筆一人之數然無力抄傳今忽拜賜喚醒史
館之昨夢驚喜其可言哉第先史君行狀非如皇
甫持正之文一字惠一縑者乃蒙潤筆之禮如許

不貲何如其感又何如其忤也推謝不莊不勝主
臣先史君史牘敬跋數語畝諸挿架云

答郭敬叔教授

某伏奉劄翰論以令子試藝恩數伏惟醴慶第立
法小靳未稱所挾然父子世方圓動靜之科允曰
吾鄉衣冠之盛事矣大年之父同叔之子猶將弱
焉如某諸子若孫之罷駑皆豎幡而降自崖而反
矣政使累月答之亦何益也不勝其羨又不勝其
妬耳一笑丈丈附此致賀云陳文書信已領

與余直閣

某伏以即日秋暑小却新涼入郊恭惟恩館大孝
官使直閣驟嬰陟岵之戚偏奉樹諼之養天集純
孝孝履支持萬福某敬上記連教伏惟財幸
某屬者先丞相茸肅就國奏記辱報竊知申甫蕃
宣之喜變龍強健之身謂壽考百年未艾也近旬
挾間遽傳赴告薨逝聞問哀痛一慟欲絕仰惟先
丞相宿德尊于四朝元勳冠于一代皇上為之震
悼朝野罔不相弔直閣孝誠至性驟失所天何以
堪之然不形毀瘠者聖人之大戒樹立門戶者人
子之大孝敢請強歡淖糜稍進溢米漢之玄成唐

之德裕與本朝之呂晦叔范堯夫世襲台鼎趾美
名德此某所望於直閣者孺泣難繼哀不勝喪豈
某所望於直閣某老病不克駮奔會哭于終慕之
前敬遣女壻陳丞經代某一行不腆奠儀列之香
楸祭文矣敢冀台察
某惶恐進越再拜敬問比堂國太夫人即日恭惟
哀疚方新懿候万福老妻敬致起居慰唁之悃思
閔台媿長稚均祉請令弟直閣附此弔門有委不
外

與范侍郎

某異時遙群玉之山侶振鷺之清不自知其為天下之至樂也老病棄官居閑處獨每一興懷並游英俊之日欲再覲其末光餘韻何可得哉至於蘭薰雪瑩玉粹金昭可愛可親可師可敬惟吾范文一人而已兩來升真後雪戒致齋前之句恍若楚瓊有如種玉之牋至今口誦心藏而不能忘也荆州楚蜀之衝有古英雄之遺烈迨服登臨當塞破錦囊矣恨不得上下岩岳追逐雲月乘百事而徙其後也屬者建牙之初過不自量其一寒之野夫乃敢奏記於十連之大帥未審或取而一覽未忘

握手論文之雅乎抑一擲而棄之云我方有公事子姑去乎公尚忘我天下誰記我者一笑某不勝主臣敬存致其懇大兒長孺有妻兄澧州推官吳承直環建炎尚書表臣之孫隆興監丞松年之子也文詞炳蔚才識敏明廉已仁民足周世用近嘗進越薦之門下收之允足為桃李之嘉種今幸有舉者四負秩滿近在歲抄行百里而半九十山九仞而虧一篑仰惟仁人能不動心敢望台慈特輟今歲下半年一京削以合浮屠之失此恩不貲溟渤非深嵩岱匪重也儻辱沛筆端之層寸導畎澮

於章奏豈惟吳君如天之福抑亦其實並受之再
賁之辜無所逃遁皇恐皇恐

嘉定元年春三月男 長孺 編定

端平元年夏五月門人羅 茂良 校正

誠齋集卷第一百八終

誠齋集卷第一百九

廬陵揚 万里 廷秀

尺牘

吞虞侍郎

某伏以即日廩秋暑退新涼入郊恭惟侍郎左史
舍人國史尊契文王立日泉天棊忠盡台候動止
萬福某老病塵狀已迫夕隲摧隕餘生未先朝露
天上故人情我懷我之惠也念念欲致一字之敬
多問細憑極知叔孫草儀為時縣蒞正當橋山事
嚴之秋既而季孫奉使為國光暉又有漢節星馳

之役蹢躅至此竟蒙雲錦之書先隨柴荆之下情
誼至到詞氣劬愉至於毛穎所不能盡之精微又
託蘓君口以傳授其懇款古之交也將別而悲後
之交也既別而不思今執事之於野人一別之後
無歲不存問無書不慇懃在外既不踈居中弥不
踈此豈野人有可思蓋執事自作古人事而見思
野人也祇荷魯僖之詩不云乎萬有千歲眉壽無
有害少陵之詩不云乎雲霄今已逼台衮更誰親
敬賦二詩以仰祝焉伏惟財幸
某惶恐再拜進越敬問金堂玉室之宅安期美門

之媿即日恭惟尊尊幼幼受祉山則其老矣無能
為役若曰取履結鞵尚堪指縱也長者諷及陸賈
徧過諸子南昌大兒去之尺有咫尚未能作意一
徃矧其餘乎退之云東西南北皆欲徃千江隔兮
萬山阻一笑然中男次公秩滿將來畝矣

某荐蒙別紙鐫論斐然之文欲求當代名流善書
者書之以入石敬聞命矣抑非元次山之頌莫稱
魯公之妙畫非六一先生東園之記莫稱君謨之
奇字某也何人乃承此寵悚仄悚仄

荅周丞相

某昨委材翁携擬試詩賦呈似而不敢奏記蓋恐
仰塵玉宇之報今反拜賜華袞之褒榮懼交如也
六王畢日五色本是丞相擢桂之長技某本以墨
義進而勦安石之洛詠焉其廣眉半額舞袖琅當
手足俱見矣昔半山老人公讌觀優未嘗解頰而
一日偶對之不覺一粲或以問公公曰吾久思咸
恒二卦不得其義適得之而喜耳某或者歛笑而
適遭其喜半推謝不在仰惟原省

谷澧州趙知府

某屬者寄牋不量老朽退休之人進越以親戚吳

推為薦仰干中二千石親民任使之京削挾今之
請行於今之俗是犯二不韙焉觀勢涼燠者今俗
不然矣大兒長孺嘗得京丞相面作親札薦於胡
總胡總不畀勢之燠者莫相君若也而尚不功以
其非言路非執法之書也然則燠中老諉而不能
炮烙我者亦不能動悟也况某退休水氏之人乎
此其犯不韙一也昔祁大夫舉其子君子不以為
私近世呂文穆公舉其猶子文靖至謂有宰相才
當時聞者不以為欺至於齊則有司以其為宰相
映之弟而不敢取焉某何人薦其犯黨於執事其

不曰私且欺乎此其犯不韙一也敢謂執事度越
一世之拘牽追還千古之奇偉得其書躍如也舉
其人沛如也又且報之日來書之品題人物一言
一字無非真實語矣退之云翁大人不疑人欺已
侯高何足道哉微執事孰可以當退之之所云者
乎多言何足以謝大恩之万分獨以居今之俗行
古之道為執事賀也

答福州帥張子儀尚書

某屬者奏記仰于筆端之膏潤牒試王親慈辱報
教聽請竊聞執官要人求者不少皆詭詭距之獨

曲徇一故交野人之求薦舉不以勢而奪交游不
以寒而棄萬物皆流金石獨止孟子所謂豪傑之
士不在門下其將焉在寸心感服那有量數疇昔
呼偷兒之簡遂玷鑄鏡送似墨本覽之汗如水漿
可以為縱筆浪言者之戒矣傳聞三山公帑有唐
文粹大字板本嘗求一編以遮老眼未拜賜何也
得寄王應旂秀才許無沉浮耳

與權運使

某惶恐敬致迫切之懇女夫子修職即泰寧縣丞
陳經贍於學問工於詞章臨民廉惠遇事勤敏蚤

年登庚戌科第前任為吉水主簿今者適有天幸
乃獲駿奔趨事于卿月使星之末光天其或者將
與之抃羽翰而雲飛脫泥塗而淵泳也某過不自量
其老退之蹟輒特與台座前有同朝十五年之旧
後有鄰邦二千石之范僭致古人內舉不避親之
懇上干筆端庸寸薦進之潤竊惟陳丞前任未滿
而解官今任通理至來歲之冬乃成三考妄意欲
望台座特輟嘉泰三年上半年一京削以為破白
之舉名賢一唱諸臺必和儻辱未忘貧賤之交尚
篤金石之契驩然收卹仍乞來歲先賜照牒以慰

安老懷信其有可望之期也仰惟此不報之恩奉
華未為重渤瀰未為深豈惟陳丞得出門下實某
得出門下也一寸丹心天實臨之

與周丞相

某宿昔奏記且以虞公銘詩呈似一寸丹心端欲
永指畫之益非以傲浮實之譽也乃上勤鈞翰之
報至假以子長之褒且謂彫固而下不論聞命辟
易汗背頰頰抑某偶當虞氏兄弟授簡之責永懷
知己不報之恩舍已不義後誰諉者閔免下筆所
謂僮父學人作馨語兒童羅盜劾樽俎者仰矚彫

固之門牆尚不敢充負於衙官筆吏之列而何暇
子長之議也乎非小人不肯之患子長不肯之患
也沃哉丞相專以文許人乎至以子長許人乎此
抑所云不爾則人不果獎者乎亟掩荀跡之耳未
敢頻包胥之首也以榮以懼以媿以感示教當改
為神道碑即已登時別改書丹矣至如書史誤以
勅為戮亦蒙是正而文病之尤者乃獨不揮匠石
斲鼻之行不試醫王洗腸之方豈姑摘其細以塞
其末靳其妙而不屑於教乎再作得一書答虞氏
兄弟今納一本不寧唯發仲尼之一莞猶未絕望

於竄定之誨

與隆興張帥

某惶恐小稟女夫子修職即新泰寧丞陳經瞻於
學問工於詞章早年中庚戌科前任為吉水簿今
茲之官汎舟之役塗出南浦欲鄰行於橐塊乾囊
之前第以望見台斗喉舌之末光仰惟一世之儒
宗文師天下之鉅人長德謂之進而不拒使得瞻
仲尼之日見老子之龍後進之士如天之福何以
代此進越惶恐

與本路提舉張郎中

其惶恐小稟女夫子修職卽新奉寧丞陳經工於
詞章達於吏事早年中庚戌榜前任主吉水簿今
茲之官汎舟之役道出臨川仰慕一代名德之尊
顧瞻八使光華之末敢望戶卽不拒連教謂進俾
得以觀道德而聽教誨不勝後進之榮耀

其惶恐再稟大兄南昌令長孺無能不才適有天
幸乃獲充負弩先驅之少吏願追隨掃門舍人而
不得敢謂台座攬轡之初小子奏記之日遽蒙灑
薦士之墨刻陟明之章先之以照移申之以奏牘
舉詞哀榮恩意山峨蓋下土鰥生欲求而未敢發

者顧措紳先生未見而先收卹之老身榮懷罔有
藝極空臆推謝万不一陳仰惟原省

與本路提刑彭卽中

其惶恐仰恃天上知己二十年瞻與之雅敢雁行
避影進越致迫切之懇大兄南昌令長孺無能不
才適有天幸乃獲充負弩之先驅被二星之末光
全度盡護粗安庇職竊斗食以活其弩未在西曹
適滿之科荷戴恩私盡室同心也重念此兒自幼
訓以一卷之書年十有八嘗忝鄉薦技能淺陋竟
以門子而進故隨在千官之底仰惟台座一世之

儒宗文師四海之鉅人長德餘論所及枯枿再春
敢望不勤筆端膚寸之潤誕真屬吏薦墨之後或
以奏課或以察廉或以陞陟或以十科或以所知
一字拜嘉皆踰華衮靡有細大莫非異恩第得在
狄梁公桃李之園某死不恨矣不避古人舉子之
私上千層使拔士之牘一寸丹心不任悃款頃嘗
預稟矣

謝隆興張帥薦大兒

某惶恐大兒南昌令長孺無能不才適有天幸乃
獲充負牛馬之下走仰依台斗之末光玉振之所

闢明慶雲之所覆露受愛容察成始成終此惠已
萬萬不貲矣敢謂蒙國士之知度越百輩特瀝薦
士之墨刻哉陟明之章孝友問學慈祥公勤顧小
子未能於一焉拜舉詞難并之四者矜其采則華
衮未緝較其恩則岱宗猶輕父子懷仁靡捐莫報
泚筆推謝未究万分仰惟台察

答趙戶送糟蟹回送黃雀并黃雀肝心醬

糟丘解系久矣寄絕交之書詩人審言惠然送解
顏之味酌淥鄩而延問吐黃中而載欣箸以籌之
瓶之罄矣投桃報李媿美瓊玉案之兩無披繇多

脂與心腹頭顱而俱往薄言藉手不稱所蒙伏惟
原省

送周丞相烝蟹

某惶恐彭蠡郭索二十輩用四明法烝之以獻極
知戒殺故不敢生致免使投人畜之池亦不須送
與江筴黃祖也一笑既微且瀆不勝主臣

答雷運使

某伏以即辰廩秋暑退顛氣高寒恭惟都運煥章
吏部玉節天倚霜臺風飛群黎載歌高厚咸若台
候動止萬福某漁釣一岳過者弗顧而霄漢繡立

軫一月雅遣行李隨素書重幣以將其意名酒以
接其醴誨之養生則有隱居所注之編彼以仁風
則有晉人所揚之扇体之燠之恩斯勤斯此殆執
事將挽回古人之光芒以甄治末造之澆漓而為
是舉也不然反躬自視無以堪之世俗感藏推謝
之語乃無一二可以藉手報嘉惠也光通之侍未
知曷日詩不云乎四方既平王曰遄旼又不云乎
萬有千歲之眉壽耆艾敬賦二詩以頌焉仰惟財
幸
某竊惟則行則歲聖賢之高致有光有晦古今之

盛節歷選昭代時則有若都運煥章吏部經世之
學遐有淵源華國之文絢於藻火是故立之春風
玉笋之班而不為泰分之帥閫使軺之勤而不為
淹速茲頻年卷而懷之退藏於道林岳蘆湖山之
幽深追逐乎紫岩南軒名德之芬香其處也濛々
如隱山之玉草木被其光暉其出也垂垂如出岫
之雲海宇後其膏潤然自西徂東持京兆扶風之
節復自北而南為西山東湖之游往來雍容皆裕
如也此其中必有大過人者而世何足以知之哉
天之祐宋為之生賢必不為江右一道計昭昭矣

退之云胡不均宏俾執事樞今日此責將有在也
金馬碧雞之訪材狼狐狸之問未敢以為門下之
賀

某惶恐進越再拜敬問金堂玉室之宅安期羨門
之嬉即日恭惟中外尊釋受祉山則某老矣無能
為彼抑取履結鞵尚堪指縱某惶恐敬致賤懇大
兒長孺無尺寸長適有天幸得充負弩之下走不
勝大願願老先生薰以道德之馥飲以仁義之膏
燾之以仲尼上律之天振之以北海薦士之墨使
得為門下桃李廡中病穎實如天之福闔族之榮

也一寸丹心毫毫悃悃

荅全州知府陳秘書

某伏以廩秋暑退風露高潔即日恭惟判府秘書
契文作藩政成民頌豈弟天棊忠貞台候動止萬
福某老病餘生棄官十年懸車三載雖未先朝露
而自絕於斯世久矣姓名不徹於通貴書問不抵
於故舊如契丈之賢而文有四十年與游之雅而
亦不敢以一字相聞雲泥相望車笠相遼其勢則
然耳而風誼拔俗意氣邁倫不遠千里遣一介行
李隨雲錦之書訪生死於寂寞之濱篤久要於平

生之言此非今人之事也古人之事也顧施之於
獨冷之閑人則所謂賢者過之者歟摧謝有陳万
此寧足出處殊轍何從晤對鄉若太息願言迺玉
在躬以揀吾道即畝視草

某惶恐再拜敬問契家台媿即日恭惟尊稚受祉
山則有委不彼伏辱四幣二焦班箔非環堵之所
宜有者拜嘉珍感之至

荅虞制參

某伏以維孟之冬新寒告至恭惟恩館制參直閣
燕居潭府德名彌高天棊忠賢台候動止萬福其

棄官十載謝事三年老病摧墮幸安田里慶雲之
蔭景星之光實衣被之揆厥所元感幸萬萬惟東
序之金鐘大鏞西望邈在天半安得小叩春容之
聲以啓謏聞敢請謹細馮戒羞服即膺一札十行
之詔徑級三事大夫之班
某伏自壬辰之秋雍國老先生倦台鼎拜孤保三
諭蜀父老之日面請鈞肯求一見東閣之行馬得
瞻琪樹而聆玉振乃知傳鯉庭獨立之訓贊揆路
奮漑之功自有有人也竊喜竊歎此生端不虛矣回
首旧事便三十年人生幾何良可太息野人既皈

隱林下而直閣抱負經世致主之業潛珍韞積自
翫其光不屑小出而一施之使朝家不獲蒼舒庭
堅世濟之用天下不睹韋賢玄成相業之繼獨非
缺歟遠辱雲錦之書嘗草草叙報是時臂痛旧疾
偶作令女婿陳丞代執管城至今震惕開州人再
至乃能具短書以謝伯仲長牋之辱老先生銘詩
併以呈似茲不重陳

某惶恐再拜敬問恩闕玉嫺即日冬寒恭惟尊尊
幼幼受祉山則有委不外蒙寄贈紅紫素羅三十
匹下拜珍感之至發羅木錦各二匹聊伴空函匪

報也兒輩辱問勞長孺次公幼與皆之官未及奏
記以謝先生長者之賜也

答虞知府

某伏以良月有俶風露高寒即日恭惟恩館判府
直閣身作長城卧護國西威惠用章天人咸贊台
候動止萬福某大馬之齒今七十有五矣已迫夕
曠未先朝露微我故人燭之以末光何以逮此蜀
月楚星相望各天一方安得對床聽雨握手論文
以浣此心之鬱陶願言金玉大業棟幹皇家即奉
綠綈遂寤紫禁

某伏自辛亥之春東來紫氣照臨鍾山石城之間
初得瞻北平之碧梧奮鶴望東山之玉樹芝蘭蓋
雍國老先生之典刑文獻盡在曾矣盛德有後老
身定交自賀兩得之也語離一星晝思夜夢焉嘗
不在鉅鹿下某棄官皈老山間乃以壬子之秋也
三請還笏始危得之寒灰枯草過者掉臂伯仲間
尚記憶老門生耶雲錦之書珠玉之唾訪問生死
慰存酸寒詞旨劬愉意氣傾豁老病餘生抵掌頓
足覺生意頗回霜毛再玄也惟經世之學濟美之
才小淹外庸日竚光顯如范氏之堯夫呂氏之晦

叔此所望於伯仲者老先生碑文已付便了矣短書以謝長牋之辱茲不重出云

某皇恐再拜敬問恩闕玉嫵即日冬寒恭惟尊之幼幼受祉山則有委不外蒙寄貺紅素羅十有四匹七史太平治迹老先生制集下拜珍感之至建本詩集一部木綿兩端聊伴空函匪報也

答湖北唐憲

某伏以即辰良月應期初寒戒候恭惟提刑太中尊契丈体上好生作民司命霜凜百吏春熙群黎天人享休台候動止萬福契家玉嫵受祉無艾某

老病餘生死灰不然貴者所棄旧者所忘也今茲遠蒙一个行李隨以雲錦之書勞苦酸寒訪問生死此古人盛德之事非今世末造之有者而又寵寄葛洪岫嶺之產固非玉床箭鏃之英虹氣貫岩寶录浮鼎老者得此隱居扶藜却老之劑仙人長生不死之珍借未能死籍之可落猶庶幾臞骨之再腴霜鬢之又玄也九頓首以謝嘉惠索百言而未宣寫耳小兒幼輿孺子不足進於先生長者之門仰辱招延寘之幕下自媿素餐勺返賤職而挽留不置恩禮益篤老懷感激何有終窮出處異轍

安得再望見青天白日之清明願言變重盛德大業即還雞翹豹尾之班

荅彭侍郎

某伏以即辰雲葉護霜風乃剪水恭惟觀使侍郎侍郎尊契文淵兮萬物之宗游乎九垓之上天人咸若台候動止萬福某老病之身已迫夕曛未先朝露芒寒旁燭君之餘也極知孤摻逸韵高蹈事外闔扉以謝羈縻下惟而對聖賢其名可得聞而其人不可得而見曲肱飲水其樂也天所謂豈不實辛苦所懼非飢寒不賴固究節百世當誰傳者

耶我欲從之懼其室則通也奉教告濂然便如對面豁然頓失心疾吃吃王秀才定不凡耳已約渠惠顧當掃廳俸一日談也諸封胡孰仕孰居皆未及共戎語辱無及兒輩皆景升兒子耳長者記憶以采以感未見願言珍重以棟斯文

荅周監丞

某伏以即辰騰巽昏命雲師來同恭惟致政提舉監丞尊契丈龔燾火容以為裳折若木以拂日天人盡護河岳給扶台候動止萬福某老病併至幽獨無俚有可樂者其惟海內名勝平生故人一咲一

談一觴一咏之間乎千江隔萬山阻海內姑舍是也烟火相接雞犬相聞如吾二人尚可諉曰疏乎哉一居白鷺之北一居青原之東一葦可枕而其室則通其人甚遠每一念之作惡數日屬者奏記以寫我心而管城老矣罷於傳言赤鱗蠹禹拙於寄聲心之精微欲徹於下執事何繇而徹也荅教之返真以玖報李也把翫未釋而漢水白錦又將一封雲錦而至矣金聲玉振駭洞儿杖華星秋月淵耀耳目双筐佳寶千顆勻圓初疑得成紀黃龍之珠又似弄王孫精金之丸驚喜自失不敢專嚮

偶有剝啄網謁者自贊曰麴秀才也亟延入坐上坐觴而俎之欣然兩家之難解灑然五斗之醒未矣占謝不敏末後一語惟曰后皇之嘉擢與臣朔之挑爭歲月論春秋云

荅隆興張尚書

某已謹公牘以謝官壺之賜游奉真翰以示意氣之勤且分似于湖先生之金書兼之友于家問之新刻至於君明臣良之大字赴官臨風之留題大篇短章日光玉潔銀鈎鉄畫鳳翥鸞翔至寶滿前究兒驟富降拜驚喜榮感万斯某屬嘗奏記以謝

大兒陞陟之章繼辱報教再有後月特判之議得
玉來劍敢萌此心一諾千金益深謝臆附見于此
併祈公察

謝彭提刑薦南昌大兒

某恭承召節以趨介圭入覲亟奏記以賀履履哦
詩而餞行在野人既蒙報踞之賤而大兒復被薦
黜之表寔請擢用式勸臣工至於趨尚行能之著
聞廉謹剛方之獨立一之謂甚四者難并華表不
足以諭褒嘉之榮恭岳不足以擬恩紀之重降拜
銜最謝詞周諄歲之中心言之不足仰惟台慈賜

之下燭

答李厚之知縣

先丈竹林先生銘詩今驛送呈似別股事恐非不
詭於教者政犯郭人對之大禁也故做其詞秦漢
以前無塔字韻書云浮圖也故易而為榻亦傳以
豫章縣榻之士風云望示報庶知不作石頭驛而
已

答胡撫幹仲方

某伏以即日近臘如春恭惟仲方撫幹學士鄉兄
賓贊戎閩天集賢哲台候動止萬福某老病世

所擲於道旁者每蒙書札訪問生死公自為德吾
何取也吾州又添一趙班人未足為賀添一詩人
真足為青原山賀矣龍山十詩其味黯然而長殊
有后山風致使阿温老兵知之追恨當時坐上初
無此客子耳嗟嘆不足卷而復舒無論餘子老夫
亦當避路澹菴先生有孫季永亡友有子此何可
當也來畝通止豫為北喜願言珍重臺家即以鸞
臺鳳閣貯之

某悚息再拜敬問契家六珈九鳳月上即日尊釋
均乾挑及書簡佳甚降拜珍感兒曹荷寄次公子

前月二十五日秩滿計漸當畝尚未至也

答王晉輔

某伏以即日臘雪瑞歲恭惟晉輔上舍鄉友茹古
之餘神介尊候萬福某老病怯寒方願隱於臍以
附似紅之火乃蒙一个行李蹈瓊瑤之跡詒書札
以尉存之北果曰燭惠然朋來今夕濁醪真不孤
寒須專春二字小俟霽暄呵筆炙研勉為作也願
姑徐之近詩未欲拈出幸察

答周監丞

某伏以若歲春秋益國已免其奏記贈我錦繡乘

成復講於多儀高詞清鏗笙鏞以間至寶瑤琢金玉其相如遺百末之蘭生侑以四老之橘戲淮泗入舟之白湖海丰穀之黃初疑食指之予欺頗使饒涎之泉湧銜戢不淺憂虞實多昔歲有北杏之盟此敢為於戎首今茲報東門之役罪難逭於過先願夜豎於降幡旬後來之返旆頌首哀籲捺心戰兢謹具劄子推謝仰惟台察

與周監丞

某伏以即辰平地尺雪允霽益寒恭惟致政提舉監丞鄉丈飲瀆餐霞御風騎氣與造物而同游與

恭初而為鄰三神交敏純嘏畢至台候動止萬福金堂玉室之宅安期羨門之媿尊尊幼幼錫羨惟鈞某主臣敬以今茲嗣歲將興端策遇泰陰外陽內小徃大來是為君子道長之辰丕應五福類升之慶某生涯短褐行李長鏡願隱於臍方縮焉而如蜩風其吹汝覺煖然而似春敬上三百一斗之觴仰祝千二百歲之壽謹具劄子陳賀恭惟台察某惶恐上覆吾州大禁不敢以茅柴觸網帥司襟帶堂乘壺北果四套進越為壽蒙不麾去有万其幸



慰秦宰

某恭聞諉堂太宜人壽考康強弗祿無艾如曾僖
之母如戴勝之仙謂宜万有千歲以享榮養不審
何恙靡已遽至大故聞赴悼心怛然恭惟愛孝如
曾子純孝若考叔驟罹哀疚何以堪之某老病待
盡不克奔予敬修尺疏以寫慰誠不腆真儀布之
別楮恭惟台察山川悠遠護啟動止願言裁哀以
襄大事有委不外

谷福帥張尚書

某伏以即辰梅雪餞歲柳風迎春恭惟判府安撫

閣學尚書尊契丈上印閩府移鎮蘓臺尺五近天
一星朝斗高厚送嘉台候動止萬福某老與病偕
昏會而集夕曛無幾朝露未先天上故人憐之載
之以及於斯也新除家便頗似永叔覓蔡以近穎
然上意有在當如君實赴陳而過關為賈後賀而
任安先書已重知不敏之忤矣至於蘓司業之酒
錢蔡君謨之玉鈿羅池之焦荔嘉惠狎至拜辱不
暇瓜牛之廬殆塞欲破感最恩意南山之竹不足
寫此懷抱也禊堂新記示教古文兄弟繼踵為郡
漢人說為盛事載之風謠特未睹祖孫後先迭建

乾轟於元戎之間耳。潞公德威之堂，其子作之。坡記之，豈若當家之坡自記之哉！絕妙好辭，敬無古人矣。惡詩寄題別楮錄去，或可附託碑陰。否未見君子願言珍重，即登鈞樞以世厥官。

荅贛州薛侍郎

某伏以即辰元夕，將臨寒暄。方戰恭惟判府侍郎尊契，丈卧護上流，外撫百粵，惠化威譽，民頌天迪。台候動止，萬福某老病餘生，大馬之齒今年七十有六矣。棄官於壬子之秋，乞骸於丙辰之春。聖恩特異，玉音宣諭，京丞相云：楊某官簿之年未

及章，却復上至己未之冬，乃得掛其衣冠，長為農夫。以沒世矣。道旁老櫟過者不顧，契夫不我數遺。尚軫鸞臺樞府偕掾之雅，若節春秋必修時事，移書以訪生死，送酒以通慇懃。顧僕無淵明之高，公有王弘之賢，公奚取於僕僕有媿於公耳。鎮江主人能置酒，願渠且住，莫終更。但賦山谷之詩，以抒銜戢之衷也。然天生大賢，必使澤四海，豈獨詘之外庸，以私庇一野人乎？前言戲之耳。曾公平易近民之政，王襄中和樂職之詩，類非俗吏所能為也。下轉上聞，皦岩廊秉鈞樞可倚，而羨惟貴珍大業。

以對越焉某惶恐再拜僭易敬問契家台眷即日
春寒恭惟尊尊幼幼受祉山則益公與野人同居
一邦信如台諭第野麋山鹿畏人州府已未之冬
聞益公新樓落之即駕柴車一往觀焉而州郡即
招以公謙繼以臺餽是樂克從子教子與無戒心
也因與益公相視而笑一揖徑取雖却郡禮而得
免焉自此每有相思折簡而已蒙問故及山間有
可委否

與新吉守劉伯協

某伏以即辰天氣澄穆風物閑美恭惟判府太中

十乘啓行五馬南來千里載歌三神送喜台候動
止萬福某敬齋宿養記以逆執事之顏行仰惟財
幸

某蓋嘗歷選近世人物之盛美江西若者而江西
人物之盛又莫劉氏若者公是公非二先生僭以
道鳴如古文篇何必減原道如弟子所記何必減
法言如西垣訓詞何必減西京家傳正學之派心
授斯文之脉不在執事而誰在乎宜其根諸心形
諸事賦諸政者類非俗吏之所能為也所居民富
所去見思擲江之毗至今手之舞之吾州適有天

幸上賜仁侯然州民則有其來何暮之歌臺家必有無疾其驅之詔朝野爭賢若為應之盍亦一臨吾州五月報政然後寄徑乎即宿卿月之躔橫轡手簪筆持橐之地政未遲耳某也亦歌暮一人之數者輒採民言哦為短啓以代衆章之先或辱一覽而抵諸地

某惶恐再拜進越敬問金堂玉室之宅安期羨門之捲即辰恭惟尊尊幼幼茂介春祺某老病無用抑尚堪取履結鞵也

荅王監簿

某伏以即辰春事強半寒氣未収恭惟判府監簿契文至孝欽承几筵天棊永思考履支持萬福某老病餘生牛衣僵卧長為農夫以沒世矣柴門寂寂無雀可羅而况長者車轍乎敢圖苟龍薛鳳伯仲之間尚未遺忘先相國翹材長鈇之下客先之以一个行李之書禮申之以式之玉季之親臨勞苦之緘彌勤加遺之儀益腴父老驚怪泉石焜耀自顧一黃冠野人莫測其所以得之之繇第極其所以感之之切多言為謝萬此有足耶未見君子願言念門戶重大之寄佩聖賢毀瘠之箴古有章

平今有范呂皆父子鈞軸後先表繡茲老友所望
於門下者其勿與庶人之孝競一概之苦

某恭承介弟旆旌惠然照照袖出伯氏尺素之書
面授相國言行之實付之以紀述詭之以銘章自
視淺陋之學久矣就荒絕涸之思搗手將落燭之
瓦所謂少也猶不如人今老矣無能為也已亦安
能摛詞振藻以頌盛德大業之萬分寫高勲鴻烈
於千載使與臯伊先鞭周召上風乎欲披襟則在
燕拙為已僭欲避席則在交情為已踈三省九思
索月不決而介弟言之而不置迫之而不釋閔免

授簡惴惴靡寧然尚有愚者千慮之一吾家子雲
不云乎水避礙則通諸海人避礙則通諸理昔六
一先生作范文正銘其間書文正與呂申公事極
有典則務從忠厚而范氏子弟不知六一之深旨
徃徃不快此意已託介弟口傳於聽下矣十月之
交可遣便了來取也

某惶恐再拜僭易敬問相門玉倦即日恭惟尊々
幼幼茂介春祺令弟府判郎中判縣直閣府判司
令隸鄂八龍孫枝九鳳受祉山則廬陵有委不外
頌貺筆墨香茗蜀圖石器北果腊糜拜賜珍感之

至

至... 嘉定元年春三月男... 編定

端平元年夏五月門人羅茂良校正

誠齋集卷第一百九終

第35384号	
平成	3.11.22
聖和學	928
國短大	七
圖書館	25

卷之八
 五十一
 五十二
 五十三
 五十四
 五十五
 五十六
 五十七
 五十八
 五十九
 六十

卷之八
 五十一
 五十二
 五十三
 五十四
 五十五
 五十六
 五十七
 五十八
 五十九
 六十

